

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo za boračka pitanja
T U Z L A

Broj: 15/1-04-027881-1/25
Tuzla, 08.12.2025. godine

Na osnovu člana 69. stav (2) tačka d) i člana 70. st. (1), (4) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), te prijedloga Konkursne komisije za provođenje Javnog konkursa za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“, imenovane Odlukom Vlade Tuzlanskog kantona, broj: 02/1-19-20967-2/25 od 23.09.2025. godine i broj: 02/1-19-20967-3/25 od 11.11.2025. godine, Ministrica za boračka pitanja donosi

ODLUKU
o poništenju postupka javne nabavke

Član 1.

Poništava se postupak javne nabavke usluga za izradu idejnog rješenja „Spomen parka sa spomen obilježjem 2. Korpusu Armije Republike Bosne i Hercegovine“ pokrenut objavljivanjem Konkurs za izradu idejnog rješenja na Portalu javnih nabavki dana 24.09.2025. godine, Obavještenjem o nabavci, broj: 1015-6-2-13-3-18/25, iz razloga što nijedna dostavljena ponuda nije prihvatljiva.

Član 2.

Ova Odluka će se objaviti na službenoj web stranici Ministarstva za boračka pitanja Tuzlanskog kantona.

Član 4.

Postupak poništavanja postupka javne nabavke će se provesti u skladu sa Zakonom o javnim nabavkama i podzakonskim aktima.

Član 5.

Odluka stupa na snagu danom donošenja.

Obrazloženje

Postupak javne nabavke proveden je putem konkursa za izradu idejnog rješenja, a pokrenut je na osnovu Odluke o pokretanju postupka javne nabavke broj: 15/1-04-027881/25 od 18.09.2025. godine.

Konkursna komisija za provođenje Javnog konkursa za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“, imenovane Odlukom Vlade Tuzlanskog kantona, broj: 02/1-19-20967-2/25 od 23.09.2025. godine i broj: 02/1-19-20967-3/25 od 11.11.2025. godine (u daljem tekstu: Konkursna komisija) je na osnovu Obavještenje o nabavci, broj: 1015-6-2-13-3-18/25 objavljenog na Portalu javnih nabavki dana, 24.09.2025. godine, „Službenom glasniku BiH“ broj: 56/25 od 26.09.2025. godine i Javnog konkursa za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“ objavljenog na web

stranici Ministarstva za boračka pitanja, dana 24.09.2025. godine, provela postupak javne nabavke usluga putem konkursa za izradu idejnog rješenja.

Zapisnikom, broj: 15-04-027881-25 od 26.11.2025. godine, Konkursna komisija konstatovala je da su blagovremeno pristige dvije prijave po Javnom konkursu za izradu Idejnog rješenja za izgradnju spomen obilježja „Spomen park sa spomen obilježjem 2. korpusu Armije Republike Bosne i Hercegovine“ (u daljem tekstu: Javni konkurs), i to:

- Prijava pod šifrom ZUT986, zaprimljena 19.11.2025.godine u 14: 25 sati – na koverti je upisano ime i adresa kandidata/ ponuđača: Tijana Veljković, Albina Herljevića 31, 75000 Tuzla, BiH i
- Prijava pod šifrom NFA795, zaprimljena 24.11.2025.godine u 08:47 sati

Obzirom da je anonimnost kandidata, jedan od uslova propisanih Tenderskom dokumentacijom - Konkursa za izradu Idejnog rješenja za „Spomen park sa spomen obilježjem 2. korpusu Armije Republike Bosne i Hercegovine“, broj: 15/1-04-027881/25 od 24.09.2025.godine (u daljem tekstu: Tenderska dokumentacija), prijava pod šifrom ZUT986, zaprimljena od kandidata/ponuđača: Tijana Veljković, Albina Herljevića 31, 75000 Tuzla, BiH, neće se razmatrati i Ugovorni organ se obavezuje da istu vrati neotvorenu na adresu učesnika.

Tenderskom dokumentacijom je utvrđeno:

„Anonimnost se mora poštovati u postupku konkursa za izradu Idejnog rješenja. Učesnici konkursa su anonimni do objavljivanja zadatka konkursa. Anonimnost se naročito obezbjeđuje zabranom iznošenja pretpostavki o identitetu učesnika konkursa. Ova zabrana se odnosi na sva lica koja učestvuju u postupku kako kod Ministarstva za boračka pitanja Tuzlanskog kantona (u daljem tekstu: Ugovorni organ), tako i među učesnicima konkursa.“

Konkursna komisija je izvršila otvaranje prijave pod šifrom NFA795 i konstatovala da sadrži:

- kovertu „Konkursni rad“ i
- kovertu „Autor“.

Konkursna komisija je izvršila otvaranje koverta sa oznakom „KONKURSNI RAD“ i konstatovala da sadrži:

- Tekstualno obrazloženje sa precizno definisanim aspektima konceptualnog rješenja, razvojem ideje, opisom ideje i koncepta konkursnog rješenja,
- Tekstualni dio je označen jedinstvenom šifrom autora rada,
- Grafički prilozi (PDF format) i tekstualni dio (PDF format) predati su u analognoj i digitalnoj formi i
- Svaki list je označen šifrom.

Nakon razmatranja dostavljenog materijala, Konkursna komisija je utvrdila da Idejno rješenje dostavljeno pod šifrom NFA795 ne zadovoljava sljedeće uslove iz Projektnog zadatka:

- namjenu spomen parka i spomen obilježja iz tačke 1.2. Projektnog zadatka. Spomen park ni u jednom svom dijelu nije predstavljen u kontekstu 2. Korpusa Armije RBiH i ne asocira na osnovne elemente date u Projektnom zadatku, a u vezi sa značajem i simbolikom koju treba imati Idejno rješenje,
- prostorna usklađenost sa postojećim ambijentom nije zadovoljavajuća u smislu planiranih pješačkih komunikacija u odnosu na površinu parka. Kad je riječ o funkcionalnim i oblikovnim karakteristikama, Komisija smatra da je funkcija parka upotrebom prevelikog broja pješačkih staza minimizirala značaj samog spomen obilježja.

U skladu sa tačkom 5. Tenderska dokumentacija, a zbog neispunjavanja prethodno pobrojanih uslova, Konkursna komisija nije pristupila bodovanju zaprimljene prijave. Obzirom da pristiglo

Idejno rješenja, nije zadovoljavalo zadate kriterije, Konkursna komisija predlaže da se konkurs poništi.

Konkursna komisija je izvršila otvaranje koverta „Autor“ pod šifrom NFA795 i konstatuje da je Konkursni rad dostavio Nusret Lukač, adresa: Jakova Ignjatovića 10, Brčko, a ista sadrži svu potrebnu dokumentaciju.

Na temelju utvrđenog činjeničnog stanja, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke ponuđač može da izjavi žalbu u roku od 5 dana od dana prijema iste u skladu sa članom 101. stav (1) tačka d) Zakona o javnim nabavkama. Žalba se podnosi Kancelariji za razmatranje žalbi Bosne i Hercegovine putem Ministarstva za boračka pitanja Tuzlanskog kantona, ul. Maršala Tita do broja 34, Tuzla, shodno odredbama člana 99. Zakona o javnim nabavkama.

DOSTAVLJENO:

2x Ponuđačima,
1 x a/a.



Ministrica

[Signature]
Senada Dizdarević, dipl. pravnik